



Газета 1966 йил
1 июлдан
чиқа бошлаган

ШАҲАР ИЖТИМОЙ-СИЁСИЙ КУНДАЛИК ГАЗЕТАСИ

№ 242 (12.303)

Баҳоси эркин нарҳда

ЎЗБЕКИСТОН ЖАҲОНДАГИ ИНВЕСТИЦИЯ КИРИТИШ ЖИҲАТИДАН ЖОЗИБАДОР 20 ДАВЛАТ ҚАТОРИДАН ЖОЙ ОЛДИ

Ўзбекистон 2013 йилда бизнес учун дунёдаги энг истиқболли 20 давлат қаторига қўшилган Марказий Осиёдаги ягона давлат бўлди. Бу хабарни хорижий оммавий ахборот воситалари Буюк Британиянинг таваккалчиликларни таҳлил қилиш билан шуғулланадиган Marlescroft консалтинг компанияси хулосасига асосланган ҳолда эълон қилди.

Буюк Британиянинг Marlescroft консалтинг компанияси шу йил 5 декабрда узоқ муддатли инвестициялар жалб қилиш учун дунёдаги қулай мамлакатларнинг навбатдаги рейтинг ҳақидаги маърузани нашр этди. Ўзбекистон ушбу рейтингда дастлабки йигирмата давлат қаторига киритилган. Рўйхатда Хитой, Ҳиндистон, Бразилия, Жанубий Корея ва Малайзия етакчилик қилмоқда.

Marlescroft компанияси томонидан ҳисоблаб чиқариладиган «Ривожланиб бораётган бозорлар индекси» бизнес юритиш учун истиқболли бўлган 175 давлатни ўз ичига олган. Индексда ўтган йиллардаги иқтисодий кўрсаткичлар, мамлакатнинг инвестиция сарфлаш учун жозибадорлиги, энг сўнгги таркибий ислохотлар ва демографик аҳвол, шу жумладан ўрта синф сони бўйича прогнозлар эътиборга олинган.

Сўнгги йилларда Ўзбекистон иқтисодиётини ривожлантириш борасида эришилган ютуқлар Халқаро валюта жамғармаси, Жаҳон банки, Осиё тараққиёт банки каби нуфузли халқаро молия ташкилотлари томонидан юқори баҳоланмоқда. Мамлакатимиз иқтисодий сиёсатининг муваффақиятлари юртимиздаги сиёсий барқарорлик ва ислохотларнинг изчил амалга оширилишига асослангани етакчи халқаро экспертлар томонидан бир неча бор таъкидланди.

Мамлакатимиз жаҳон иқтисодиётида ҳамон давом этаётган инқирознинг салбий оқибатларига нафакат ишончи тарзда бардош бермоқда, балки макроиқтисодий мувозанатни, юқори иқтисодий ва ижтимоий ўсиш суръатларини сақлашга эришмоқда.

Айниқса, инвестиция соҳасида рўй бераётган таркибий ўзгаришлар эътиборга молик. Истиқбол йилларида мамлакатда самарали конунчилик базаси, хорижий сармоядорлар учун кенг қўламли ҳуқуқий кафолатлар ва имтиёзлар мажмуи яратилди, хориж капитални иштирокидаги корхоналар фаолиятини рағбатлантириш бўйича яхлит чора-тадбирлар тизими ишлаб чиқилди.

Ўзбекистоннинг хорижлик шериклар билан ўзаро манфаатли ҳамкорлиги мамлакатда чет эллик сармоядорларнинг муваффақиятли ишлаши учун барча шарт-шароит яратилганидан ёрқин далолат беради. Буларнинг барчаси Ўзбекистонга инвестиция муҳити энг жозибадор етакчи давлатлар қаторидан муносиб жой эгаллаш имконини берди. Буни Marlescroft компанияси экспертлари яна бир бор тасдиқлади.

(ЎЗА)

Иқтисодиёт

ПОЙТАХТНИНГ БИР КУНИ



Бундан ўн беш йиллар аввал пойтахтимиздаги йирик трикотаж буюмлари ишлаб чиқариш корхонасида бўлганимизда, унинг раҳбарига «Бу ерда фақат катталар учун эмас, кичиктойларга мўлжалланган кийим-кечаклар ҳам ишлаб чиқарилган бўладими?» деган саволни ўртага қўйгандик. Шунда у «Гапингиз тўғри, бироқ болалар буюмлари тайёрлаш жараёнида кўпроқ чиқит чиқадимиз. Биласиз, ортиқча чиқит, корхонани қўшимча харажатга туширади», деб жавоб берганди.

ҚЎШИМЧА ИШ ҲАМ ЎРИНЛАРИ ЯРАТИЛАДИ

Ҳақиқатан ҳам ўша даврларда мамлакатимизда фаолият кўрсатаётган корхоналарнинг аксарияти болалар учун мўлжалланган буюмларга иккинчи даражали маҳсулот сифатида қарарди. Бунинг оқибатида ушбу турдаги кийим-кечакларнинг асосий қисмини хориждан катта валюта эвазига келтиришга тўғри келарди.

Ҳукуматимиз томонидан ўтган вақт мобайнида бундан тегишли хулоса чиқарган ҳолда болалар буюмлари ишлаб чиқармоқчи бўлган корхоналарга жуда кўплаб солиқ имтиёзлари ва бошқа қўшимча қулайликлар яратиш тўғрисида қатор қарорлар қабул қилинди. Бунинг натижасида айни пайтда юртимизда юздан зиёд турли мулкчилик шаклидаги корхоналар фаолият кўрсата бошлади. Ана шулардан бири Бектемир туманидаги «Niso Tekstil Servis» масъулияти чекланган жамиятидир. Мазкур корхонанинг фаолият бошлаганига унчалик кўп вақт ўтмаган бўлсада, бу ерда ҳар хил турдаги болалар буюмлари ишлаб чиқариш йўлга қўйилган.

Жамият бошқаруви раиси Мансур Хабиялиевнинг таъкидлашича, корхонадаги технологик линияларнинг деярли барчаси хориждан келтирилган. Бу ерда ўз

қасбининг усталари бўлмиш 25 нафар модельер-дизайнер, тикувчилар меҳнат қилишади. Шунинг учун ҳам корхонада айни пайтда болалар учун мўлжалланган маҳсулотларни халқаро стандартлар талаблари даражасига етказишга ҳаракат қилинмоқда.

Келгуси йилдан бошлаб, экспортга мўлжалланган маҳсулотлар ишлаб чиқариш йўлга қўйилган, қўшимча яна 60 та янги иш ўрни ажратилиши кўзда тутилган. Бу эса корхонанинг эртанги истиқболини янада ошириш имкониятини беради.

(Ўз мухбиримиз)



МАМЛАКАТИМИЗДА

• Навоий шаҳрида «Норматив-ҳуқуқий ҳужжатлар экспертизасини амалга ошириш жараёни» мавзусида илмий-амалий конференция ўтказилди. Ўзбекистон Республикаси Адлия вазирлиги ва вилоят адлия бошқармаси томонидан давлат бошқаруви органлари билан ҳамкорликда ташкил этилган мазкур анжуманида мамлакатимизда жамиятнинг демократлаштириш ва янгилаш жараёнида маҳаллий давлат ҳокимияти органларининг ҳуқуқ ижодкорлиги соҳасидаги фаолиятини янада такомиллаштириш муҳим вазифалардан экани таъкидланди.

• Наманган вилояти Тўрақўрғон туманидаги Сайрам қишлоғида намунавий лойиҳалар асосида барпо этилган Янги Аҳсикент даҳасида замонавий маиший хизмат кўрсатиш маркази фойдаланишга топширилди. Бу ерда эркаклар ва аёллар сартарошхонаси, тикувчилик, пойабзал таъмирлаш, телерадио жиҳозларни таъмирлаш устaxonалари, кимёвий тозалаш пункти каби ўнлаб шохобчалар аҳолига хизмат кўрсатади.

• Жиззах шаҳрида ёш истеъодларнинг «Нихол» мукофоти учун республика кўрик-танловининг вилоят босқичи бўлиб ўтди. Белгиланган шартларга кўра, ҳар бир номинация бўйича дастлабки икки ўринни эгаллаган жами ўн нафар иштирокчи танловнинг мамлакат босқичига йўлланма олди.

• Қашқадарё вилоятида «Болалар саломатлигини муҳофаза этишда эмлашнинг роли» мавзусида семинар бўлиб ўтди. Унда иштирок этган тиббиёт ходимлари болалар саломатлиги ҳамда уларни оғир ва юқумли касалликлардан асраш мавзуларига тўхталиб ўтишди, бу борада эмлашнинг аҳамияти тўғрисида тушунчалар берилди.

• Қосон туманидаги нон ва нон-маҳсулотлари тайёрлашга мўлжалланган «Қосон капитал инвест» масъулияти чекланган жамиятида ишлаб чиқариш жараёни модернизация қилиниб, янги инновацион технологиялар жорий этилди. Натижада корхона қуввати уч бараварга ошди, қўшимча бешта иш ўринлари яратилди.

ЖАҲОНДА

• 1835 йилда тайёрланган «Герцог Орлеанский» деб номланган жуда ноёб соат Нью-Йоркда ўтказилган кимошди савдосида 6,8 миллион АҚШ долларига сотилди. Таъкидлаш жоизки, ушбу соат техник жиҳатдан муқаммал бўлишдан ташқари, ҳақиқий санъат асари ҳам ҳисобланади.

• Австралия полицияси Чилидан жўнатилган йирик туркумдаги кокаин гинёхандлик моддасини мусодара этди. Маълумотларга қараганда, полиция томонидан амалга оширилган махсус операция чоғида 81 миллион АҚШ долларидан ортиқ қийматдаги 135 килограмм кокаин йўқ қилинган.

• «Ассоциэтед Пресс» ахборот агентлигининг маълумотларига кўра, АҚШ президенти Барак Обама «Сэнди» бўронидан жабрланган штатларни тиклашга қўмаклашиш мақсадида Конгрессдан қўшимча 50 миллиард АҚШ доллари ажратишни сўраган.

• Электрон қурилмаларнинг яқка тартибдаги моделларини тайёрлашга ихтисослашган Буюк Британиянинг Amosu Couture заргарлик бренди 5,8 минг долларлик қийматдаги Apple iPhone 5 смартфонининг «люкс» вариантыни яратди.

• Халқаро Shell концернининг таҳминларига кўра, яқин келажакда Европа қитъасида газ истеъмоли 20 фоизга камайди ва кўмирдан фойдаланиш даражаси беш бараварга ошади.

УМУМИНСОНИЙ ҚАДРИЯТЛАР ВА НОЁБ МИЛЛИЙ АНЪАНАЛАР УЙҒУНЛИГИ

Шу йил 8 декабрь кунини юртимизда инсоннинг олий қадриятлари, унинг фаровонлиги, ҳуқуқ ва эркинликларини ўзида намойён этган ва ҳаётимизнинг барча соҳаларида яратувчанлик ислохотларининг ҳуқуқий замини бўлиб қолган мамлакатимиз Конституцияси қабул қилинганининг 20 йиллиги тантанали равишда нишонланди.

Президент Ислам Каримов «Ўзбекистон» халқаро анжуманлар саройида бўлиб ўтган тантанали маросим минбаридан туриб таъкидлаганларидек, Ўзбекистоннинг мушаккил тараққиёт йилларида эришган барча-барча ютуқ ва марралари, унинг улкан суръатлар билан ўсиши, аввало, Конституциямизнинг ҳаётбахш қудрати ва саҳояхиятини, унда мужассам бўлган принциплар, қоида ва нормаларнинг нақадар чуқур ўйлангани, ҳар томонлама мустақам асосга эга эканини яққол намойён этди.

Ўзбекистон Республикаси Конституцияси нишонланганининг муҳим ўзига хослиги шу билан изоҳланадики, шу кезде мамлакатимизни янада ривожлантиришнинг энг устувор йўналишлари белгилаб олинди, уларда халқимизнинг орзу-истак ва интилишлари акс этади, ана шундай устуворликларнинг ҳаётга татбиқ этилиши эса буюк келажакка эришишимизга қўмаклашади.

Маълумки, Президент Ислам Каримов ташаббуси билан 2012 йил «Мустақам оила йили», деб эълон

қилинган эди. Ишлаб чиқилган махсус Давлат дастури асосида оила институтини мустақамлаш ва ривожлантиришга, ёш оилаларни қўллаб-қувватлаш, аҳоли фаровонлигини юксалтириш, маънан етуқ ва ҳар томонлама ривожланган баркамол ёш авлодни тарбиялашга йўналтирилган чора-тадбирлар мажмуи ҳаётга татбиқ этилди.

Кириб келаётган Янги – 2013 йил мамлакатимизда «Обод турмуш йили», дея эълон қилиниши давлатимиз раҳбари томонидан тақлиф этилди. Тантанали маросим қатнашчилари ушбу тақлифни қизгин оққишлар билан қўллаб-қувватладилар.

Давлатимиз ҳаётидаги ушбу муҳим сана муносибати билан «Жаҳон» ахборот агентлиги мухбирлари дипломатия корпуси ва халқаро ташкилотларнинг раҳбарлари билдирган фикр-мулоҳазаларни ёзиб олдилар.

Латвиянинг Ўзбекистон Республикасидаги Фавқулодда ва Мухтор элчиси Игорс Апокин:

(Давоми 2-бетда)

ҚИСҚА САТРАРДА

Тошкент шаҳар ҳокимлигининг Ахборот хизмати ва ўз мухбирларимиз хабарларидан.

✓ **КЕЧА** Республика Маънавият тарғибот маркази Ҳамза туман бўлими ташаббуси билан шаҳар болалар ди-агностика марказида «Бахтимиз қо-му-

си» мавзусида байрам тадбири ўт-казилди.

✓ **КЕЧА** ЎзМУ маданият саройи-да «Олий журналистика курсларида ихтисослашув масалалари» мавзу-ида илмий-амалий семинар ташкил этилди.

✓ **ЮНУСОБОД** тумани бандликка қўмаклашиш ва аҳолини ижтимоий му-ҳофаза қилиш маркази туманда исти-қомат қилувчи яқка-ёлғиз, ногирон на-фақахўрлар учун Конституциямизнинг 20 йиллигига бағишланган байрам тад-бирини ташкил этди.

✓ **БУГУН** «Истеъдод» жамғармаси ҳамда Ўзбекистон Миллий матбуот мар-кази ҳамкорлигида «Истеъдод» жам-ғармаси педагог кадрларнинг малака-сини ошириш: таҳриба ва тақлифлар» мавзусида матбуот анжумани бўлиб ўтди.

